

rem, ut nobis traderentur, misit, Litteris Kebechi anno Domini millesimo sexcentesimo octogesimo nono die undecima Novembris Beato Martino sacrâ datis, quibus quidquid nomine vestro ab eodem Præfecto necnon ejusdem Seminarii Moderatoribus pro ineunda peculiari, quæ inter nos est, Apicemque & Clerum Gregemque vestrum, societate precum, sacrificiorum aliorumque bonorum operum piè admodum gestum est probastis ex animo, eam esse vestram in Deum Beatumque Pontificem Martinum, cujus summum fidei ardorem in gentibus ad Christum convertendis feliciter æmulamini, pietatem esse cognovimus, in nosque studium, vos ut in primis decere videatur arctiori nobiscum & Ecclesiâ nostrâ vinculo conjungi, novoque, qui a majoribus nostris non rarò tum Ecclesiæ tum Saculi Principibus Beati hujus Francorum Patroni, ejusque, quod apud nos est, sepulchri cultoribus præcipuis concedebatur, honore decorari. Quapropter more majorum nostrorum vos vestrosque in Episcopali sede Kebechensi, eâque & aliis, si quando, vel etiam ad Archiepiscopale, Primatiale aut Patriarchale jus & nomen in regione Canadensi seu in Franciâ erigendis successores Episcopos in perpe-